



Broj: 02-sl/21  
Goražde, 18.11.2021. godine

**PREDMET:** Zapisnik sa javne rasprave vezane za predstojeći Javni poziv za NVO u okviru ReLOaD2 projekta sa predstavnicima UNDP-a, NVO-a i predstavnika Grada Goražda

Javna rasprava se održala u zgradi Gradske uprave u čevrtak, 11.11.2021. godine sa početkom u 11:00 sati. Na javnoj raspravi bilo je prisutno 18 osoba (2 predstavnika Grada Goražda i 16 predstavnika NVO-a).

Ispred Grada Goražda sve prisutne pozdravila je Azra Valjevčić, viši stručni saradnik za pitanja mladih i NVO. Predstavnik UNDP-a, Damir Žarak upoznao je prisutne sa osnovnim informacijama o ReLOaD 2 projektu, o javnom pozivu koji se uskoro treba raspisati za NVO, temama za prijavu na javni poziv, te o dinamici predstojećih aktivnosti a sve u cilju olakšavanja procesa apliciranja.

Javni poziv se planira raspisati krajem novembra 2021. godine i biće otvoren 4 sedmice od dana raspisivanja. Tokom Javnog poziva UNDP će osigurati podršku kroz obuke i mentorstvo u procesu razvoja ideja. Predstavnicima NVO-a će moći aplicirati sa projektima u vrijednosti od 10.000,00 do 70.000,00 KM, s tim da se neće finansirati projekti niže ili više vrijednosti od navedene. Dužina trajanja projekata je od 6 do 12 mjeseci. Javni poziv bit će objavljen na web stranici UNDP-a, Grada Goražda i u dnevnim novinama. Korisnici projektnih aktivnosti moraju biti isključivo osobe na području grada Goražda.

U nastavku predstavljeni su prijedlozi tema za raspisivanje javnog poziva za NVO za predaju prijedloga projekata u sklopu ReLOaD 2 projekta za 2021. godinu po oblastima i data je mogućnost da svi mogu predložiti svoje ideje ili izmjeniti postojeće, a to su:

## **1.EKOLOGIJA**

1.1 Jačanje svijesti kroz edukaciju stanovništva o važnosti zaštite okoliša

## **2.SOCIJALNA POLITIKA**

2.1 Prevencija nasilja u porodici

2.2 Socijalno uključivanje i podrška socijalno osjetljivim osobama u pristupu tržišta rada

2.3 Socijalna inkluzija, poboljšanje kvaliteta života i zaštita mentalnog zdravlja lica sa invaliditetom i članova njihovih porodica

## **SPORT**

### 3.1 Afirmacija sporta kod djece i mladih

## **4.KULTURA**

### 4.1 Afirmacija i promocija tradicije i kulturne baštine naroda i nacionalnih manjina

### 4.2 Očuvanje i promocija materijalnog i nematerijalnog kulturno historijskog naslijeđa

## **5. MLADI**

### 5.1 Afirmacija omladinskog aktivizma

### 5.2 Edukacije mladih o poduzetništvu i razvijanje programa samozapošljavanja,

### 5.3 Neformalno obrazovanje za mlade (kursevi stranih jezika, edukacija iz oblasti likovne umjetnosti i književnosti, fotografije, muzike i informatike)

## **6. COVID -19**

### 6.1 Unaprijeđenje svakodnevnog života socijalno ugroženih kategorija stanovništva u vrijeme COVID 19.

Na predložene teme imali smo nekoliko komentara, pitanja i prijedloga.

Elvir Ćurovac sekretar „Udruženje starih zanata“ imao je pitanje vezano za oblast socijalne politike 2.3. na koji način može uraditi kvalitetan projekat a da isti obezbijedi opstojnost svog radnog mjesta. Obrazloženo je od strane predstavnika Grada Goražda i UNDP-a da kad se objavi javni poziv konkretno će se vidjeti iz smjernica svi detalji vezani za proces apliciranja između ostalog i to koliko može ići za plaće, infrastrukturu i sl. Također, imao je pitanje da li NVO-i moraju imati finansijsko učešće odnosno moraju sufinansirati projekte. Obrazloženo je od strane predstavnika UNDP-a da ne moraju iz razloga što je obavezu sufinansiranja preuzeo Grad Goražde u iznosu od 20%.

Esma Drkenda UŽ“SEKA“, dala je prijedlog da se podtema 2.1 Prevencija nasilja u porodici preformuliše i glasi „Ljudska prava i ravnopravnost spolova“. Ukratko je obrazložila važnost toga. Predstavnicima Gradske uprave su ovaj prijedlog prihvatili.

Također je istakla da je ReLOaD 2 projekat veoma značajan za NVO –e sa područja grada Goražda jer će doprinijeti podizanju kapaciteta istih.

Nedžad Paldum Radio klub“Drina“ iznio je svoje nedoumice koje se odnose na oblast odnosno temu apliciranja ovog udruženja jer pripadaju tehničkoj kulturi. Nakon diskusije vezane za ovo pitanje od strane predstavnika Grada Goražda i UNDP-a dobio je pojašnjenje da oni kao udruženje mogu aplicirati na temu za koju imaju resurse da isti mogu realizovati. Pojašnjeno je da se u javni poziv ne smije staviti naziv projekta koji bi se odnosio na određeno udruženje. Najbitnije da razmisle o ciljnoj grupi i na osnovu toga razviju projektну ideju.

Predstavnik UNDP-a je ohrabrio NVO-e da apliciraju jer će zajednički javni pozivi biti objavljeni tri godine za redom.

Na kraju javne rasprave naglašeno je šta spada u opravdan trošake te da se kroz projekat mogu obezbijediti sredstva u iznosu od 30% administrativni troškovi, 30% za nabavku opreme i rekonstrukciju ali samo ukoliko će to biti opravdan razlog za implementaciju projekta i da ne postoje nepredviđeni troškovi.

Na kraju sastanka prisutni su obavješteni da je ostavljena mogućnost da svoje prijedloge za teme dostave do 18.11.2021. na e-mail adresu [azra.mirvic@live.com](mailto:azra.mirvic@live.com).

Sastanak je završen u 12:00.

**Zapisnik vodila: Azra Valjevčić**